

湖南府縣志輯

中國地方志集成

乾隆辰州府志(二)
道光辰谿縣志



中國地方志集成

湖南府縣志輯 ⑥〇

乾隆辰州府志(二)

道光辰谿縣志

江蘇古籍出版社●上海書店●巴蜀書社

賜按察司銜候補道攝府事儀徵畢本恕仲

記

元

盧溪縣儒學記

張國南

辰州四邑惟盧溪地隘藁岡突阜荒墟宿莽迢迢青烟
白屋出林杪行邑里間樵結相後先言嘯咷不可辨官
於茲者若難於政教然以儒稱者未嘗不談經訓知古
今事卽休言詭服之流必知有父母昆弟之倫應會奉
約納賦輸相會不異於市民蓋人心稟自降衷者同也

辰州府志

卷四十一

藝文彙纂

一

十室之邑必有忠信況盧溪所治戶凡八百餘詎宜有
不同哉邑治西偏舊立屋三間爲學宮創始之歲莫詳
早狹相略歲久圯腐且像制弗稱祀享莫虔至大二年
秋王君柔克來尹是邑慨然曰廟學若是其何以使民
興禮讓鄉德誼乎善政不如善教吾事殆不可緩遂擇
地於舊學西百步計明年夏創建有期矣適湖北廉訪
使毛公淵按部適來益用敦勉尹乃剴鑿定基掄材填
甃倡自已俸楮幣以至元計爲費二百未幾樂助者靡
至以中統計爲貫合五千有奇凡倡君助以錠計合爲
中統一百餘又移贖所司得郡庠米八十石爲工食給

自魯公始宏壯山大成聖人啓四公十哲以中州
工像之倣以魯廟峙櫺星崇應門東廡西廡翼張其前
講誦有堂夾以旁室二齋對啓庖次廊如邑人聚觀咸
謂講學制遠落外區亦克敬慕嘆嗟遂召其子弟與
邑中顯學者規出矩入既越歲語言平順字畫楷莊小
試之功已有驗矣若其漸深積久時改月化不惟內民
瞻於道德外民亦將興於仁讓昔子游爲武城宰以學
道愛人爲政遂有絃歌之化厥後文翁用之其效隨著
誰謂治民者可以刑獄簿書之故而視學校爲細務耶
尹爲政廉介明敏視民如其家人所莅雖僻壤整治若

辰州府志

卷四十一

藝文彙纂

二

大邑所居木樹蕭然門階閑寂牒牘簡無日不至學
宮與士人語自經始迄告成事物佔必時工備畢給身
自程督迫暮乃歸故新學有成且猶思增廣繪飾規措
學田爲養士計尹之政如此信可爲宰百里者法矣時
邑學教訓廬陵羅子壬實效其勤以輔成之既訓生徒
且勵役作凡有議論克與尹合亦可謂賢者圖南識尹
三十年相知甚深及來掾辰校於盧溪甚邇尹謬斯後
必予一言以識之辭旣不獲乃爲紀其顛末以示邑人
尹字濟剛汴梁人

辰州火星祠碑記

學政武西

星之有曜其來久矣按天文上人有五星應五行而營
其方夏火禮也視也凡聖明御宇必鑑視其所在
是月辰氏之火正閏前居商即祀大火而以火紀時
焉蓋古之火正即火官也掌祭火星行火政漢立嗣於
辰安其後州郡皆有之辰州爲郡僧在龍山厚居靜比
營故之變朝夕隱憂延福改元亞中大夫人同毛公伯
帖木兒總管是邦美化大行百廢具舉思求以營澤吾
民首修火政具經街蓄塗潦儲卒徒儻可備大火者靡
不究心然天火之災何以彌之詢諸邦人咸以火祠未
立爲闕典顧瞻州治之左元妙觀之右隙地數畝厥土

辰州府志

卷四十一

藝文彙

三

燥剛厥位面陽乃捐俸鳩材人懼趨之同寅協力梓匠
服勞不逾數月棟宇翬飛又考諸祭法幽宗祭星也零
宗祭水旱也山川能出雲爲風雨皆曰神能禦大菑捍
大患則皆祀之凡五嶽名山悉載祀典其神如水在地
中無往而不在也侯重念及此復創嶽廟於其前像而
肖之尸而祝之使民邀福有地繼今以往逆茲拔棟無
豎盧楹垣之忠耕田鑿井無水旱疾疫之虞侯之嘉惠
豈淺淺哉矧一善言而星退舍一叩頭而天返風威應
之捷捷如影響邦人頌德不已且俾予叙其概予聞安
靜之吏惻惻無華無華者誠也侯以誠實待民以誠意

格神神安其靈民受其賜巍巍不朽之
爲無窮矣若戶戶漏網終一日必茸端有望於後之來
者延祐二年良月中瀚學士左郎湖廣省提督學政武
內修記將仕郎辰州路總管府知事謝世賢承務郎辰
州路總管府判官馬合馬沙明威將軍同知辰州路總
管府事元魯迷失嘉議大夫辰州路總管府達魯花赤
兼管內勸農事小云失帖木兒安遠大將軍鎮守辰州
路毘陽萬戶府萬戶移刺四奴等立石總管毛亞中男
希先書學正呂宣之篆

盧溪儒學地記

盧溪
縣尹劉時懋

辰州府志

卷四十一

藝文彙

四

占之善政善教何聞乎蠻貊之邦其得於民財得於民
心者要必有道盧溪爲邑於辰既僻且隘戶以百計合
蠻洞僅一千數百而止昔言五溪蠻雜處椎結之習
嗚呼之聲往往皆是然孩提之愛人倫之誼雖以異類
猶或不違是知性近習遠有不期然而然此善政善教
所以不可廢也壬順辛未秋時懋來宰茲邑即欲爲學
校延師取友水卒其事於西春湖北廉使高公按治登
殿拜入成造講堂進諸生欣然曰是邑雖小學宇高明
無序嚴肅頗勝他所惜無以養何以育才適有軍餉官
地十七畝有奇遂命歸於學歲收其租稅以備祭養

毋令有力者墮斷而取之於是擇良家子弟赴學教之
養之邑實幕趙安富以其子率先是年冬新學富川集
元吉偕訓導李以正相與朔望升堂課試其業人皆憤
排自強期於有成斯學雖舊更始一新凡潛深伏臘者
亦爲之鼓舞咸謂非廉使敦勸之勤勉勵之切何以主
此推其原委實前幕掾李讓與時懋開端於其先而備
生鄉誼祖協贊現理歲收有日亦與有勞焉語曰顏子
草食瓢飲不改其樂使無簞瓢雖顏子或亦不得有其
樂矣然但以會計多寡相雄是又足爲學累也茲學所
入雖無幾不猶愈於屢空乎諸生飲食其間日惟三省
辰州府志

卷四十一 藝文彙

五

其身變狼暴之俗爲善良之歸化椎魯之條爲文質之
美經明行修超明時以備擢用登高科陟顯仕則教養
之助豈小補哉

辰州府新息侯廟記

御史監湖廣銀場薛瑄

古有功益於一時者垂於後世養生民之祀於無窮者
豈非大丈夫抱非常之才識本之以忠誠行之以悠久
而有以通神明貫金石達古今而無間乎漢伏波將軍
馬公援天與魁奇器識宏邁當漢統中徵新莽稊命之
日乃遠迹邊陲混身田牧時人弗之識也其兄况謂

曰夫人不當晚成良工不示人以目日從所好公亦嘗
曰大丈夫爲志窮當益堅老當益壯公之所立固已見
於此次及其盡散財蓄志清時難邀遊覽獨擇所適
知驅起草竊之徒皆酣秦富貴於一時不足計安生民
於萬世也遂謁光武於洛陽一見之頃印以慷慨大度
同符高祖稱之因委質臣事効忠職力以匡復漢室若
聚米之開示山川銅柱之威服殊俗皆公之奇謀偉績
其他蕩除戡靖維調贊翼之策尤多中興之功公無與
讓及天下底定爵符受封爵列五等榮寵重極而公不
以是自後膏奮不顧身志欲効死邊疆以盡臣節至武

辰州府志 卷四十一 藝文彙

六

陵郡蠻接邊公遂請行兵至臨沅蠻即摧破師次壺頭
大功未就而公卒先是有以兵事聞於帝者時遣來監
軍之人素有恨於公而公已歿遂厚加譏誣以快其私
而慈政之謗亦興焉嗚呼若公之所立卓犖奇特駕
世而橫鶻挺百代而獨出猶不免巧夫之唇舌也則何
言議者又以不從充而從壺頭爲公失計夫曠日七師
而費糧與捷徑出奇以致勝利害甚明而公之慮富矣
設使如成者之言從充而進又安能必保蠻寇之無聞
雖乎是又不得爲公失計也夫公均始一節以入蠻
猶足以致其震懼來服若公之死當有他策以制蠻

矣又豈云云者所能獨哉夫其韜晦自養散財濟難公之大志也鄙片奸豪獨歸眞主公之大識也奇謀勇略光輔中興公之大功也不懷晏安以死勤事公之大節也世之人臣四者有一焉猶足以各當時而垂竹帛公乃兼而有之而又本之以忠誠積久之心其功益一時名垂後世而血食無窮焉向之謗者風休電滅漠無踪跡曾何損於公之忠賢哉今辰卽五溪故地距公歿垂千年而野大女子猶知道公之威名在在有以祀公斯又足以見忠義之感人心不以古今而有間也我朝大猷聖神公廟之在辰者獨登祀典有司以時行事無敢

辰州府志

卷四十一 藝文

七

怠弛人有水旱疫癘則禱焉廟故有亭或以爲神出遊之所址存而亭廢辰人合志興構並他屋宇門牆之弗治者悉完理焉余少讀公傳嘗壯公之爲人及往來武陵江中親見所謂壺頭山者壺頭距辰水行可一日至彼亦有廟而修祀事於辰者便於人之瞻依云爾廟臺既新余遂刪取公之大節條之以詩曰

矯矯馬公惟志之偉志在功名氣不少萎貧堅老壯公言則然懷奇蘊朴罕識其賢雲乎鬱鬱雷乎震震紫色蜺蜺炎輝斯遠公晦於時爰牧爰蒞威氣九縣傾瞻安之曰述曰默狼貪永飽鄙不少留幸求漢道來觀眞主

應對旋通謂帝大度高祖則同遂委臣質遂効臣饒雲米討范州虜蕩越四方底平人懷安娛公不愛佚許國以驅滔滔武陵羣蠹雜梗化撓邊負險恃勇公曰茲後老臣馳驅堅請於行秉節舒舒不驚不疾旣安且式試兵臨沉蠻卽摧辟扼於壺頭匪公之尤天稍須假孰測厥敵公雖歿志因則成事乃招乃來羣蠻無二云胡巧大譏言朋興豈不暫翳事久滋明迄茲千載有顯愈赫名徹聰聞功載史冊壺山之南辰江之濔公績如新公廟維古逮我皇明祀典秩申行事以時委在守臣維公忠精厥德不爽疫癘旱澇應求如響民感公惠次服

辰州府志

卷四十一 藝文

八

國章廟堂完構其致廢荒乃圖永久乃磨良石我纂其詞爲示無極

辰溪遊彈子洞記

逋道胡

直正甫

辰溪之乾溪北山有石洞豁然而深土人曰彈子洞或曰昔名元靈洞凡乾溪之水咸趨洞陰伏而流者三十里出銅馬潭合盧溪江而東子過而異之而未暇至也是日往觀循步亂石間攀緣以上懸盤石上仰觀峭壁有石如垂兩崖高時如雙門水從中下雷吼輪轉鏗鏘搖蕩石勢如動予坐對之不能遠去也久之復尋緣度流而行始獲至洞洞高廣俱可數十丈其右又一小洞

竊點不測水流人則伏矣酌而飲之亦甚潔也當小
門有石橫負一小方石小 復負一巨石其上若
荷又昔郭房咸如人所置予欲更為久留則石燕翠
穢下不可留也方未入時或言其穢或言無他奇既出
或奇其石或奇其水予曰噫予未遊於物之外也予惡
能分其淨穢而辨其奇不奇也予獨訝夫水之得其時
而不能用於今苗已槁矣旱已深矣不布之田野而伏
流于此為甚可惜也或曰楚水國也水之橫溢於江漢
洞庭間不率其職者數年矣則又不若茲洞之歛而懷
之為愈也予曰若是則洞之淵蓄遠矣是不可不記
辰州府志 卷四十一 藝文集 九

重修惠政橋記

司知石 瓊 沅陵

惠政橋去辰郡城南五里許有溪名箭潭相傳漢伏波
將軍因射授矢於其間故名其說蓋無所考溪之水春
夏泛漲滂湃洶湧過者莫能渡景泰癸酉歲居民劉秀
達勸眾造石橋以便行者幾二十年矣歲久為水所敗
民莫能修成化戊子冬郡守貴陽易侯奉命來專茲城
施政之餘首以橋梁為務先造浮橋 辰江明年春橋
成凡部內遠邇津渡可用舟楫者悉 以楫編夫役以
給之其惠之所及者遠矣民目覩耳聞身歷而飽之咸

歎為興起體侯之心以為心於是相率謂曰箭潭溪
有惠政橋久廢未復蓋修之以副吾郡侯憂民病泥
志士時郡人胡誠朱昱輩仗義捐貲命道士曹常於
橋上其財不 一者募往來以助不逾月而橋之塲者
已完較於舊其堅固高爽過之既畢工僉曰宜書
以記歲月乃命工鐫石徵予言予生茲土嘗慨其
敗而弗修今侯以身先之而斯橋遂以巍然有成然則
上有好者下必有甚焉者不誠然乎哉後之守茲郡者
欲惠斯民可即此以鑒矣故書之以為記侯名貴字天

辰州府志

卷四十一

藝文集

十

重修沅陵縣學文廟記

湖廣 辰州 沅陵 人 誠

沅陵縣儒學舊在縣治西郊外非制也洪武丙辰縣丞
張子登奏徙城內即今學也據高爽而履寬平雙溪環
其前高阜枕其後地勢磅礴蜿蜒誠勝地也殿堂廡舍
廡廡以次皆具宜德間侍御河東薛公珪東魯張公士
相繼持節來按是郡慨然以規制弗稱捐金僦工撤其
舊而新正殿大成門櫺星門已而太守利津王公吳知
縣宋周周鴻增增益廣教諭浮翠計泳與王公謀以舊
址易內近地厥學前以達通衢而記則闕然今新安康
公公芳來守是郡善於所乎廢者以起觀學尤加意焉

謂計君子同鄉友也求文以記之予不能文不足以書然泰總憲綱於湖湘凡長於興學育賢者皆所當旃矧茲之請豈可靳於言乎夫建學立師有賢圖治廟學所存卽聖人之靈與道之所存也師弟子由是門登是堂師之所以教弟子之所以學皆遵聖人之教樂聖人之道曰仁曰義曰禮曰智此聖人之所以盡厥性者曰孝曰弟曰忠曰信此聖道之所以敦叙彝倫者由是修己以治人明德以新民才猷所布與古人並駕齊驅斯不負聖世長育之仁諸君修學之意與聖道之所存若徒拘拘於章句之末專溺舉業以釣利祿行與心違名與辰州府志

卷四十一 藝文纂

十一

易侯新治辰州郡署記

太常寺劉宣安成少卿

天下諸藩惟湖廣爲最大湖廣諸郡惟辰州爲最遠蓋其治在禹貢荊州之域槃瓠所居之地也秦漢而降風氣漸開列爲郡縣華人始雜居焉在漢爲武陵郡唐宋改爲辰州元始爲路至我朝則爲府府之公署建於國初時干戈甫定庶事草創故其規模卑陋材多朽櫟歲久朽蛀欹斜莫能風雨成化己丑秋貴陽易君天爵出守是郡既至周視解宇退而嘆曰公署如此上不足以

是役則爲重困始緩圖之乃新其政令恩威既著民大悅溪蠻亦馴服莫敢爲孽明年歲大稔又明年辛卯君方治事堂上驛卒馳報有使客至君起而迎之足及外門而堂上之梁遽折聲震如雷几案悉碎裂百姓聞之嘆曰非侯之德其何免於此厄且是堂之宜新也久矣侯以重困吾民故至於此今歲豐人和可不協力以相成耶適會都御史繁昌吳公與壁巡撫湖湘聞其事卽檄君修理君乃力爲營度得楠木千餘章其屬郡承順保靖二宜慰司酉陽宣慰司暨兩江諸司感君之辰州府志

卷四十一 藝文纂

十一

化亦各以楠木百餘章來助君召匠計之尚未足也忽大雨溪流大漲深谷中巨木久伐而不能徙者悉湧而出直抵郡城人皆慶爲天助侯乃傾囊捐俸以供百需察佐與郡邑之尚義者亦各出粟帛以相資焉乃盡撤舊宇大而新之地之隘者闢而廣之基之卑者增而高之中爲正堂五間後爲穿堂三間深廣與正堂稱東西房各五間又其後爲後堂五間堂之後其地益下則石築土稍稱堂基建屋七間爲歲時致齋之所止堂之東爲經歷司西爲照磨所建六房東西相向各九間儀門一間莫非良材堅甃圖爲永久計也始於辛卯

春二月落成於秋八月未半截而工成昔衛文公無事
楚即營建宮室合於時制詩人作定之方中以美之其
時日星吉風駕稅于桑田秉心寒淵駉牝三千說者以
爲文公始之勤于農桑終之治國富盛皆此心也一心
之寒淵則事無爲而不成今易君始則重困厥民不輕
舉事比歲豐人和一舉之而天人協應非君有以致之
時克爾耶工告畢郡人欲記諸石侯不能止也廼屬筆
于予予故詳道其事俾後之游此邦者知君用心之勤
而不至於廢弛焉君名貴天爵其字也其先江右古水
人曾大父宦遊貴陽故爲貴陽人君舉景泰甲戌進士

辰州府志

卷四十一

藝文彙

志

第拜職方主事改祠祭遷主客郎中以至今官云

楊劉溪通濟橋記

知縣李芳 盧溪

盧溪邑距東北二里有三台山山之西有避寇之城山
之下有漁隱之溪古昔楊劉二姓隱居其上因是得名
溪之水出於江瑩潔迴環深廣莫測其幽趣有可玩者
土人於溪之上嘗橫木爲橋以通往來或遇淫雨橋散
敗舟楫不便而官險以進者多致淹溺宏治癸丑邑令
許公麾下車之初詢民間利害當興除者耆老以橋爲
言時政務紛紜未暇也迨丙辰孟夏歲稍豐給於是來
民力之隙令邑民張志讓襄廷莫同心協力鳩工伐石

募邑中士民輸將以助公自捐俸以勸始於舊橋之西
若干步出浮沙以定其基排巨石以實其底公於蒞政
之暇殫其勸相之勤橋不日而完公遂以通濟名之蓋
深得乎古者徒杠輿梁之意非徒以誇功業矜創作也
爰鐫石屬予紀之以告後來者知作橋之始末云

淑浦科貢題名碑記

知縣彭瀛

淑浦

國朝太祖高皇帝迅掃腥膻平定海宇首崇文教建學
立師以育英才詔天下各道三歲一開科取士各府州
縣學限年各歲貢一人又於儒學立碑刊其名氏官爵
以垂列久遠故當時以科貢爲正途師保經綸於內郡

辰州府志

卷四十一

藝文彙

志

吏旬宣於外悉於是乎出與茲選者顧不偉與淑浦自
洪武以來登科貢入仕版表政績者項背相輝然儒學
刊石題名之碑則未有也曩早遊芹泮銳志淬勵良用
自勗第恨偃蹇場屋奮志未伸成化庚子循例卒業成
均得與天下士講論以資見聞既而掄次銓曹濫膺民
牧之任每懷砥節礪名庶繼芳躅於前烈然昔之所勗
者猶切於懷蓋恐歲稔月改竟致淪沒使先哲以科貢
顯者不聞於後則游學之士固無所感激而朝廷作養
之恩亦負巫陽公暇乃泐古規工伐石鐫碑載歸鑒於
文廟門側偕文以紀其上標題以誌其下前列登科人

物而以歲貢次之備用年月名氏官爵於後庶游學於斯者得觀吾邑科貢人物之顯雲仍奕世之光亦將有所奮發興起此瀛立石題名之心也敢妄自誇大爲身圖哉雖然淑爲辰州名岳山毓水秀士沃民庶當必有豪傑之士鐘靈產異特出以光照前烈者則又磨石以俟宏治十二年彭瀛記

辰州崇正書院記

吏部尚書楊廷和新都人

宋初州縣之學未立一時賢士大夫倡爲書院其名遂著我朝學校編天下卽縣有附於府者亦各自爲學而鄉社之間往往絃誦相聞則書院之爲教普矣辰州之

辰州府志

卷四十一藝文彙

五

有書院則自知府事婺源戴君敏始君起家進士歷官南戶部郎中正德庚午擢守辰州其爲政以興教化正人心爲首務府城外有禹祠一區久爲豪家所據墮下令毀而鬻之以其值市地城中創建書院其制前爲車門中爲文會堂左右爲齋舍各三十餘楹後爲祠十六楹以祀濂溪二程橫渠晦翁南軒諸賢後又爲寶經堂統名崇正書院既成君乃率諸生釋菜以落之復擇其秀異者肄業其中是役也以辛未八月興事時參政安福劉君挺副使長寧侯君啓忠按部適至聞而是之力贊其成又明年二月乃訖工董其役者吏中書紳之父

封君舒潘進士棠之父汰皆郡人也

修建郡城記

副使王世隆辰州人

辰州據楚上游當西南孔道外扼永順保靖綏寧洞內爲武陵荆襄障蔽山多地險形勢扼塞捍阻外內視諸郡爲最要郡城舊制卑隘上覆以屋數椽於火延燒官民廬舍常數千家自宏治戊申以及嘉靖丁未數數而然蓋城創於勝國人烟疎少因陋就簡外甃浮石中實以土岸覆之歲久疎漏風雨侵之以故善朝且覆屋材久既朽且燥遇火輒焚及內外燬燼無遺賴年修理費不足卒不能議更也歲戊申守道麓泉王公崇始毅然

辰州府志

卷四十一藝文彙

五

修之又以大樓飛角必致火乃四面俱用磚甃垂成而公以憂去時寇苗寇石肝聲搖辰沅郡人洶洶震恐分守道鏡峰陶公欽憂在沅聞變倍道趨辰偕郡守吾溪徐公楚晝夜臨城躬率士卒具畚鍤凡工作凡三月而城成居民恃以無恐新究聞之亦褒其謀而徐矢又以城北之東西二隅未甃非萬全計恐民力弗堪乃白於大吏估計丈尺擬以三臺漸次修理民不勞而事集其易所謂設險守國記所謂城廓溝池禦大災而捍大患者也當是時大中丞竹墟屠公貞所爲公相繼總制楚南皆能施置經畧動中機宜招徠撫綏表用材後繁

雅言簡節 疎日以治於上而陶徐諸公復相繼稱於其職以培辰之勢道德爲簪籙禮義爲干盾卽無城亦自保其無虞况又建城以爲之備宜辰人之交慶也是役也郡二司雲川高公對通守東浦陳公是柳溪呂公孟信崇德公公製沱陵邑侯胡嶺高公昇皆通敏幹濟夙夜匪懈與有勞焉不可沒也若守備何君清王君夢麟指揮杜君繼相千戶鍾良等先後左右茲役以觀其成法得書焉嘉靖三十年辛亥月日記

重修伏波祠記

王世隆 詳前

伏波將軍辰郡故有祠在壺頭山蓋昔將軍南征屯兵辰州府志

卷四十一 藝文纂

七

處也將軍卒於軍後人祀之壺頭山禮也本朝主簿傅翔以水潦不時議改今祠從民便也嘉靖丁酉廟燬於火戊戌沅陵縣尹胡侯晟出餼金百兩修堂既成已亥郡守吳侯嘉祥始下車覽觀庭廡慨然興思將復修焉會天子南狩歲連大歉侯曰夫神依人而立者也故聖王先成民而後致力於神其道一也今歲荒民貧且大功力與征役未息吾率先爲此其無乃非神意乎乃與民休息減賦十之二期年而歲大稔民有以芝草白鳳祥上者侯曰歲豐民安神之方歟於是拓地址庀工材屬父老董其役若星若麻若庭若垣宇祀

昔有祠以十月初三日落成邇邇承將侯詔始至爲相厥終吳侯乃情察佐及鄉士大夫大樂觀厥成世隆亦與觴其中神人胥悅樂融融也夫鬼神非人實親惟德是依假如野荒民散刑政頗偏雖祝史誣詞以薦神將吐之矣今侯政成於民德孚於神人謀叶從歲事滋豐其與茲役固宜而况伏波大節載在信史足以風厲萬世者乎侯嘗言辰郡僻在萬山民無平田沃壤以爲業歲厄於水旱而近時議者乃令照江南以田糧起差辰之田果足與江南比乎且地近溪洞羣蠻蠶食浸淫乎將剝膚矣鄰郡諸宗藩民校糧賦皆取給而無厭者更覲

辰州府志

卷四十一 藝文纂

六

重修武安王廟記

王世隆 詳前

辰州衛演武場舊有漢前將軍義勇武安王廟故事每歲孟春則主帥偕寮屬以特牲祀於廟始闢武馬至仲夏十有一日則自將吏以下至於士庶皆醵錢爲會以祀上蓋俗相傳爲王誕辰云王嘗以先王命督州諸軍事辰沅武陵地固所蒞邑餘波實霜霜之大王之精忠大節貫日月塞天地爲萬古所僅有遐邇荒陬罔不敬畏况辰人舊在藩藩中者乎祀之宜也廟建在國初歲久傾圯嘉靖丁未今僉憲明嚴張公以鎮守之役視師於辰大閱武馬先是公憂神人有介而謁者至是謁王廟視其像與象中所見不殊乃命邑侯潘君璋修葺

辰州府志 卷四十一 藝文 五

之指揮馬君天祥實董其事公乃出師躬擐甲胄政暇山川在望地幾一年經畧處置動中機宜直抵賊巢斬酋首千級餘黨奔北乞降乃始撫綏分比地方以寧迄班師則廟工完矣乃大饗祀於堂屬余誌其事於石公名景賢字勉之號明巖四川眉州人舉嘉靖戊午進士以江防僉臬攝湖北道

重建護國水府廟記 知府袁鳳鳴時瑞辰州
護國之廟宇於吾辰其神爲黃元仙聖夫人大婦也神以孝稱自隋末及唐宋元蓋已有之事見 統志累代褒勅我朝因而祀焉舊廟在城西里許臨流維市正德

六年太守戴公敏厥其誼諱與同知鄧公琦等謀欲徙焉命知縣賈公文翰卜地於虎巖山之陽戴公偕僚屬與鄉宦黃門潘公員外董公僉憲賈公翰林史公成之妥神祀像令居民時奠焉凡水旱疾疫有求必禱任民使也經今三十餘年矣今春三月朔郡守吳公嘉祥偕僚屬往謁既而嘆曰廟古矣瓦楹危朽安可弗修遂捐金爲倡命耆民劉仕富吳經等重修焉民有樂助者聽於是百工趨事庶民子來暨端陽而廟煥然新矣鄉人大都憲侯公少參周公僉憲董公副憲王公御史胡公武陟尹晉公衛指揮使馬公王公吳公都閫潘公芮公

辰州府志 卷四十一 藝文 五

虎巖書院修道堂記 修撰羅洪先

陽明先生講龍場召而歸也道辰州留虎巖上猶待賔詩久之乃去後三十年門人餘姚徐君汝佩爲郡倅履遺跡悲焉即虎巖之後爲精舍作堂其中名以修道復因郡人黃君伯完僉余郡委記於余余効蒙水及先生

門然謂其學以良知為主良知者吾心是是具非昭然
而不可誣也是知也清虛而通大而理樂而生此天
之與我乃道體也由是致焉以至於順適而無有乎內
欲則道修而復矣學者聞其易從也於是談者靡不充
然乃先生自叙曰自吾居常處困也而后增所不能猶
嘗疑之謂良知不昧矣其有能不能者則又何也已而
出入患難之中稍覺焉非先生不能為是言矣夫欲之
於道非相遠也即吾所指以為順適有不出於天所與
者是也懲創之弗力更涉之弗至則察識之弗精遠而
言順適皆欲之滋萌長養之候也吾方欲之滋萌長養

辰州府志

卷四十一

藝文類

主

又將從而致道如之何可也先生之破謫也去鄉土數
千里無親戚之問土人不陶塲居無所於托饑寒暴露
之矣又虞瘴癘之侵當是時即使椎題黥面者日夕擲
掄而誚侮之固不暇與棲鳴呼人之自奉其身何哉而
若此也甘之有不能去之有不可亦不得不隱忍而安
便之平日滋萌長養之物地易而時出根連而叢生隙
伺而機變益至是不待捐棄決裂之而已無所存所據
以為道體者滋養荒忽不可得而端致矣於是汚辱清
之以出其清震撼撓之以出其虛驟疑懼之以出其通
鬱迫隘之以出其大勞錯干之以出其理黷慘惠之以

出其無摧折挫頓之以出其生生而先生之學始名於
天下後知同之死之者乃所以生之者也嗚呼今之
士生者皆曰體所依有能非清而不恤交際所尚有能
輟斷而不競心志所安有能寂寞而不怨與致所極有
能坎陷而不畏者乎然猶挾見聞之餘習執惠炎之故
態曰道在是道在是吾見其遠於先生也徐君事先生
最久自居夷所得片言皆錄而傳之豈獨無意於斯乎
先生之在辰也冀君惟乾師事之得有所聞成其學其
行事郡人所知也夫人之困也不獨居夷有之則後之
來游者可以升斯堂矣

辰州府志

卷四十一

藝文類

主

遊靈田洞記

太僕李

樂和仲

庚戌之春余偕諸子弟浮舟自鹿泉洞而下過辛女巖
數里許見石門隱隱懸列山半勃然心動訊之舟人云
水有遊者余遂泊舟披荆剪萊迤邐盤旋始克入洞洞
中虛曠可容數百人憩坐其間仰觀洞上石光澤如鏡
五色燦爛懸品倚壁如蓮花如巨人如童子如鐘如磬
參錯雜陳獅蹲象立龜息蛇蟄姿奇態不可窮盡石
隙流泉迸出細如髮視之不見凝注良久始見其淵淵
不窮揭而酌之甘香可人人洞清深乃命從者張炬石
洞餘益清奇可愛徑入有二石門並峙門外石杜栢

天開立刻削智巧良工莫施蓋亦天下奇觀也噫自吾
之生五十二年矣凡山經所載崑石洞府之奇過者必
遊聞者必慕此洞出吾邑數舍地耳顧秘而不揚久而
無有知者遲之至今而乃得之使吾春不遊遊矣祇信
舟人之指顧而不及此則負此洞不其多哉則天下名
山人跡所不到奇峰靈壑其等於培塿者又豈少乎哉
相與嘆息久之日入高春瞻回依戀不忍舍去夫洞不
數丈爲千邱田人所知者此洞底平坦高下相次亦若
田然予因名其洞爲壘田洞而千邱田爲下洞云

南將軍祠記

南將軍祠記
楊再喬 石肝

辰州府志

卷四十一 藝文纂

五

辰州府志
距沅浦城二十里許曰五都巖壘田舊有祠祀榮祿大
夫羅神相公不知所自亦不知誰氏俗傳爲唐南齊雲
末可知也其曰榮祿大夫曰相公是必受封爵登臚仕
有功德於當世而垂不朽者顧自有祠以來年代遼邈
人之崇信尊奉無異一日疾病必禱水旱必祈商賈營
運於四方禱而後行郡邑之討叛動衆有事於祠而後
出皆有感卽應動如其願非神之精靈尚存能感應如
響若斯耶然則以爲南公霽雲者殆其人也夫修短隨
化有形必毀惟忠義之氣則死而不亡當祿山之亂漁
陽鼙鼓一動而大河以北無堅城其死鋒刃者不可殫

數雖勝爲江淮咽喉地時無張許借諸將固守而保時
之賊其得騁而南則無江淮矣無江淮則荆楚皆淪胥
民將無遺類然則江淮以南幸得保全者皆賴其功也
方其賊守日久望援不至南公乞師於賀蘭斷一指以
示進勇一坐皆驚此與秦庭之哭何異及城陷卒以身
殉其忠也如此精神之所存又何間於存亡久近哉淑
浦故淮南地祠以祀之禮也祠久幾頽嘉靖甲子邑尉
東洲李君日初慨然飾而新之以引祀弗替亦禮也故
記之

宏遠橋記

宏遠橋記
楊仲嵩 盧溪

辰州府志

卷四十一 藝文纂

五

辰州府志
盧溪邑治西三里許有古迤溪發源高山衆澗所匯當
邑孔道每春夏雨集水深泥淖往來者恒苦之或水溢
行者必取道山麓攀援險阻民之病涉也久矣隆慶初
鄉耆楊同轅李廷桂數輩始謀創石梁捐貲度地諏日
興事經始於是歲之夏訖工於戊辰之冬父老具其顛
末索余言夫古者辰角見而雨畢則除道天根見而水
涸則成梁川梁達道之修固爲政之急務也諸耆彥先
我而創之豈獨盧溪民之利哉亦有以紓牧民者之憂
也橋下爲空園上覆以亭旁翼以欄欄行者既去險而
就坦且得避風雨而止宿焉其利溥豈可量乎雖然本

有時而朽石有時而動是橋與亭難必其恒有而無虞也因而葺之曾永勿壞則又不能不望夫後之人

當仁堂記畧

兵備同 洪子監

辰郡城西數百步有虎谿山山有亭有軒有樓有關其櫺窗整飾而端然中立者則陽明王先生祠也隆慶庚午顯宗鄒公善奉命來鎮湖北詣祠謁之將思所以倡明先生之遺教而四方志學之士日彬彬焉集郡守錦泉徐侯廷綬慮其無以容也謀為增置講堂六楹翼以號舍繚以垣墉而虎谿山秩然改觀矣堂既成因請名於公公命之曰當仁侯曰然其教諸士以同仁之學乎辰州府志 卷四十一 藝文纂 圭

可以風矣

盧溪縣新建縣治碑記

僉事 曲入繩 于約 沅陵

值非常之變必待非常之才以成非常之績其事若相待而然盧溪為辰屬邑當郡上流地濱兩江時有水患然易盈易平民以為常比隆慶辛未夏五月淫雨旬日洪水暴漲自縣治屏字以及公館驛傳蕩折無遺焉居民存者僅十之三蓋自設縣以來所未有之變也有司以聞天子特與賑恤時邑令久艱其遷改歲歲盧王公以名進士令同安忤權貴聽調於銓部累年自廬雖小邑下式皆望匪王令易克有濟哉特簡以聞天子允

辰州府志

卷四十一 藝文纂

圭

之公拜命欣然就道比至楚自大吏以及御長貳無不為盧邑得人慶也公抵任無所憩息乃就梵剎登見吏民晉邑文學暨諸大夫而始謀焉首相舊治皆歆所荒墟沙石沮洳公嘆曰是象水之衝也邑可弗改哉于是望高岡覽形勝周環四顧惟城隍廟址地勢高堅土脈隆隱負陰而抱陽處亢而臨下大江東注小江如帶環抱於其前公曰舍此何適哉請之道府咸是其議諏日告神而營度之時邑幕奔走趨事忽病急人心惑焉公曰有縣斯有神也縣治弗定神將何依神如降禍我其當之哉既徙居民民或重遷公曰設縣以為民也縣治弗利民將何庇民如矢所我其任之哉毅然行之不震不動辨方正位損高增卑相土之中為蒞事之堂左右翼以儀仗廣儲二庫前為抱廳後為寧堂堂之東為令解西為幕廳後為幕廳堂前東西為兩廊前為儀門門之左偏為賓館右偏為獄又前為鼓樓狀如城闕左為旌善右為申明亭榭厨舍各規所宜紵若干楹綴以垣墉凡若干丈負山面江高明爽塏巨材良藝翬如煥如邑人聚觀咸謂自設縣以來所未有之績也其費則自公帑外聽民仗義及贖銀以助經始於壬申閏二月落成於秋七月既乃以舊縣立城隍祠以其餘地給民之

登者上下既各因其時而見與聞者莫不踴公之不可及矣方其辭病自始重選事者莫不阻之惟公前知其當然事至不懼而徐爲之圖是以得至於成功而羣情始焉疑者終焉帖服蓋由公睿質清才充養有素故居常值變順應而成向使令同安逐時好優遊遷轉廬邑之昏墊既莫與拯之而公之才與緒亦無由著故曰事若相待而然公諱京號成廬江西瑞州府上高縣人戊辰科進士至委用之役工料之詳悉附於碑陰不贅

廬溪縣新建儒學記

湖北楊栢南叩

辰州府志

卷四十一 藝文彙

毛

廬溪之學舊矣周稽往牒以各登解額者若干人第進士者若干人例貢者又若干人中所駁立亦自不少自嘉靖辛卯來士益充斥而鄉書禮籍寥寥數十牘無聞焉論者委於何址弗古持議改作弗果降慶辛未他邑有水滂之厄邑治學宮蕩洗幾盡明年王君以名進士改茲邑下車首建縣治閱歲工乃告成於是文學晏君燧率其子弟楊梅等來詣若曰邑作而民胥賴矣如士類何君聞之惕焉搜覆故牘會計議金僅支十一二又帑乏不可請益躬爲節約錄積縵蓄爲士民倡士民之好義者亦咸樂助焉於是擇吉首事視故址稍異歲

大比者方有事棘選而習工典史唐鑑元體君之心協贊世而殿方度而石子秋捷之報至矣人人協應士民慶之曰廬其昌乎非王公孰成之於是益相戮力閱四年甲戌棟楠簷楹以竣黝堊煥然改觀先師廟位左明倫堂位右堂之西爲啓聖祠東爲鄉賢名宦祠兩廡及大成門櫺星門神庫庖湏公廨私署靡不畢備觀者謂可與邵學等士之登堂者莫不發舒志意宜洩精華雲蒸雷奮視向之卑陋敝陋無所依士失其業者矣

辰州府志

卷四十一 藝文彙

天

說禮樂課經術其興起詎有限哉雖然文運之興在天新文運者在有司而因其新而共新之則又在爾多士多士乎尚其磨濯身心檢制視聽履中正不以非僻日汚染和平不以滯穢自繁正之六經游之六藝不以章句牌利自滿充榮勃興勲業表著庶幾乎豪傑偶儔之上而茲學之創與王君再造之心自歷萬禩而彌光矣若恣肆渙漫等於庸衆徒欲希有司之膏潤冀造化之栽培豈惟於事無當即學校名義將謂之何文余與王君之所共憂者也王君名京字來觀別號成廬江西上高人登戊辰進士仕余以御史舉君於甲子鄉第今以

兼攝湖北事得按茲邑而茹其積之有歲也遂爲之記

辰谿泰公名宦祠記

丁應泰

辰谿小邑也夷獠錯居巴渝同風山谷之間頗雜獨俗乃耕火種信於鬼而溺於祠匪易治矣嘉靖二十四年無錫泰公准用文學起家來蒞茲邑淑風浴德率屬以矩矱撫流移搜剔奸弊民懷吏畏什活祠斥邪教而尤雅意作人捐俸五萬錢改築賢宮士類蒸蒸爭奮跡於賢科皆公之功也公以老乞休去今數十年而辰人心懷之不諼於是行司爲言於督學使者得如令甲附公主於邑名宦祠而後公之名芳於蘭芷曜於日星公之

辰州府志

卷四十一 藝文集

三

澤長流於溪沉洞庭之間而震陽之所以報公者亦庶乎歌歸來於千百禩矣予稽古循吏最有聲建武初者多推宋均均始固爲辰陽長矣蔚宗稱之不過曰其俗少學者信巫鬼均爲立學校禁絕淫祠人皆安之今以公所厝施興廢與均度長繫大豈不在伯仲間哉均究其用成驅虎散蟬之勲致位卿輔公雖以邑令終未竟厥施而今大中丞舜峰公實公家孫雁仁汪澤淪洑三湘則是公祖孫先後有隆施於其地而宋均又孰多也詔曰高山仰止景行行止身雖不能至心竊向往之故爲叙述其政事之畧以志景仰之意且使異日傳頌中

舊得以有考焉

新建五寨城記

山西劉 泉 五寨

湖廣古荆楚之域其西爲辰沅上連川貴環數百里崇山深谿諸夷盤錯蓋古夜郎槃瓠之區也宋元以降叛服不常明興高皇帝遣三將軍率師三十萬平荆蠻下黔中天戈所指獻寶納土遂錄其酋長世撫之於辰沅境內設永順保 宜慰司五寨竿子坪爲長官司後鎮竿苗復叛其長黨苗帖險宣德正德間屢勸王師乃漸設哨堡更設都指揮守備於乾州而邊方日多事矣今上二十一年壬寅苗攻麻陽用廷議遣御史中丞進

辰州府志

卷四十一 藝文集

三

賢萬公鏗勘治之疏請設泰將於麻陽分守鎮竿及貴州之銅仁戊申苗益亂攻三省沿邊諸城上復用廷議遣御史大夫惠安張公岳總督軍務開府沅州復疏請增設泰將於銅仁而麻陽仍專守鎮竿如故凡代者既四未有議及移鎮建城者今督府御史大夫慈谿馮公岳節鉞臨嶠咨經畧於是中軍泰將李君英議以鎮竿泰將偏處麻陽不若移鎮五寨長官司可以東控鎮竿乾州西援貴之銅平南并辰沅諸郡縣三麻陽自在腹心扼吭拊背左右倚角於調度宜爲使而修城保障亦不可緩下兵巡會憲于君 誠以克合乃列疏